

RABHADH
CAITHFEAR an scrúdpháipéar seo a thabhairt ar ais le do fhreagarleabha(i)r
ag deireadh an scrúdaithe, nó caillfear marcanna.

Scríobh do Scrúduimhir anseo ⇒



Coimisiún na Scrúduithe Stáit

SCRÚDÚ NA hARDTEISTIMÉIREACHTA, 2020

EACNAMAÍOCHT – ARDLEIBHÉAL (400 marc)

2 uair 30 nóiméad

Freagair **sé** cheist as Roinn A agus **ceithre** cheist as Roinn B.

ROINN A (100 marc)

Freagair **sé** cinn de na **naoi** gceist ghearrfhreagra sna spásanna atá ann dóibh.

ROINN B (300 marc)

Freagair **ceithre** cheist.

Scríobh na freagraí i do fhreagarleabha(i)r.

Ná scríobh freagraí Roinn B ar an gceistpháipéar seo.

Tá na ceisteanna ar fad ar aon mharc (75 marc).

Tabhair faoi deara go bhfuil fo-ranna sna ceisteanna.

Ní mór duit an scrúdpháipéar seo a thabhairt ar ais le do fhreagarleabha(i)r
ag deireadh an scrúdaithe.

Roinn A (100 marc)

Freagair **sé** cinn de na **naoi** gceist ghearrfhreagra sna spásanna atá ann dóibh.

1. Braitear larmhairt ó ionadú agus éifeacht ioncaim de thoradh ar thitim sa phraghas ar tháirge tomhaltais.

Mínigh **gach ceann** de na téarmaí a bhfuil líne fúthu.

larmhairt ó ionadú: _____

Éifeacht ioncaim: _____

_____ (16 mharc)

2. Is féidir go mbeidh costais shóisialta ar na saoránaigh i roinnt Tíortha Beagfhorbartha nuair a dhíríonn na tíortha seo ar fhorbairt gheilleagrach a bhaint amach.

Mínigh an téarma a bhfuil líne faoi agus tabhair breac-chuntas ar **dhá** chostas shóisialta a d'fhéadfadh a bheith ar na saoránaigh seo.

Míniú: _____

Costas sóisialta 1: _____

Costas sóisialta 2: _____

_____ (16 mharc)

3. Caillfidh suas le 800 milliún oibrí ar fud an domhain a bpoist faoin mbliain 2030 agus cuirfear uathobriú róbatach ina n-áit. (Foinse: BBC.com)

- (a) Ainmnigh an cineál dífhostaíochta a bheidh ann i gcás na n-oibrithe seo. Tabhair fáth le do fhreagra.

An Cineál dífhostaíochta: _____


Fáth: _____

- (b) Tabhair breac-chuntas ar pholasaí **amháin** a d'fhéadfadh rialtas na hÉireann a chur i bhfeidhm chun an cineál seo dífhostaíochta a laghdú in Éirinn.

Polasaí rialtais: _____

(16 mharc)

4. Taispeánann an léaráid a leanas athrú cothromaíochta ar mhargadh na mairteola in Éirinn.



- (i) Chun an léaráid thuas a chríochnú, déan an praghas cothromaíochta tosaigh, an chainníocht chothromaíochta tosaigh, an praghas cothromaíochta nua agus an chainníocht chothromaíochta nua a lipéadú.
- (ii) Cuir in iúl le tic (✓) cé acu ceann de na ráitis seo a leanas a bhogfadh an chothromaíocht ó E1 go E2?
Cuir tic le rogha **amháin** agus mínigh do fhreagra.

(a)	Méadú ar an eagla ar fheirmeoirí na hÉireann roimh an mBreatimeacht.	
(b)	Méadú ar fhóirdheontas ó rialtas na hÉireann d'fheirmeoirí mairteola.	
(c)	Méadú ar líon na dtomhaltóirí veigeatóracha in Éirinn.	

Míniú: _____

(16 mharc)

5. Tá pleananna ag an mBuanbhanc Taisce Iontaobhais (PTSB) an cúigiú cuid dá 77 brainse in Éirinn a dhúnadh. (Foinse: *The Irish Times*, Deireadh Fómhair 2019)

(a) Tabhair breac-chuntas ar chúis **amháin** a d'fhéadfadh a bheith le dúnadh na mbrainsí seo den PTSB.

(b) Tabhair breac-chuntas ar **dhá** iarmhairt eacnamaíochta ar an dúnadh seo do gheilleagar na hÉireann.

(i) _____

(ii) _____

(16 mharc)

6. Thacaigh John Maynard Keynes le rialtas a bheith ag baint feidhme as polasaí fíoscach sa gheilleagar.

(i) Sainmhínigh an téarma polasaí fíoscach: _____

(ii) An aontaíonn tú leis an tacaíocht a thug Keynes d'idirghabháil an rialtais sa gheilleagar?

Aontaím / Ní aontaím.

Cuir ciorcal thart ar do rogha **agus** tabhair breac-chuntas ar **dhá** chúis le do fhreagra.

Cúis 1: _____

Cúis 2: _____

(17 marc)

7. Tá geilleagar na poistíneachta (“gig economy”) ag fás as éadan i rith an ama. Tá roinnt oibrithe ag lorg breis rialúcháin ar gheilleagar na poistíneachta agus ar chonarthaí náid uair an chloig, áfach. **(Tabhair do d’aire:** Is é is geilleagar na poistíneachta ann ná geilleagar ina bhfuil claonadh ag comhlachtaí oibrithe neamhspleácha agus saor-oibrithe a fhostú ar bhonn gearrthéarmach / ar bhonn íocaíochta de réir an taisc, e.g. marcaigh Deliveroo, in ionad fostaithe lánaimseartha.)

(a) Tabhair breac-chuntas ar **dhá** argóint i bhfabhar rialúcháin bhreise ar gheilleagar na poistíneachta.

(i) _____

(ii) _____

(b) Tabhair breac-chuntas ar argóint **amháin** in éadan rialúcháin bhreise ar gheilleagar na poistíneachta.

(17 marc)

8. Tá roinnt saoránach buartha faoin meath ar an ngníomhaíocht gheilleagrach i mbailte móra agus i gceantair thuaithe áirithe in Éirinn.

(a) Mínigh **dhá** iarmhairt eacnamaíochta do gheilleagar na hÉireann a ghabhann leis an meath seo ar an ngníomhaíocht gheilleagrach.

(i) _____

(ii) _____


(b) Tabhair breac-chuntas ar bheart **amháin** a d’fhéadfadh an rialtas a dhéanamh chun dul i ngleic leis an meath geilleagrach seo.

(17 marc)

9. Taispeánann an léaráid thíos cothromaíocht fhadtréimhseach gnólachta atá in **Olagaplacht**.

- (i) Scríobh an lipéad **iomlán** (ní an giorrúchán) ar gach ceann de na línte atá uimhrithe 1 go 3. Bain úsáid as an bhfreagarbhosca thíos.

Uimhir	Lipéad
1	
2	
3	



- (ii) Taispeáin ar an léaráid **pointe na cothromaíochta (E)**, **an praghas (P_1)** a ghearrann an gnólacht seo agus **an chainníocht (Q_1)** a tháirgeann an gnólacht seo.
- (iii) Mínigh an téarma **dolúbthacht pragsanna** agus tú ag tagairt don léaráid.

(17 marc)

Ná dearmad an scrúdpháipéar seo a thabhairt ar ais leis an/na (bh)freagarleabha(i)r a úsáidtear chun na ceisteanna i Roinn B a fhreagairt.

Roinn B (300 marc)

Freagair **ceithre** cheist.

Scríobh na freagraí i do fhreagarleabha(i)r.

Ná scríobh freagraí Roinn B ar an gceistpháipéar seo.

Tá na ceisteanna ar fad ar aon mharc (75 marc).

Tabhair faoi deara go bhfuil fo-ranna sna ceisteanna.

1. (a) Léiríonn an tábla thíos Dlí na hÁirgiúlachta Imeallaí Laghdaithí.

Líon na n-Aonad a Thomhlaítear	1	2	3	4	5
Áirgiúlacht Iomlán ina hAonaid / Util	10	25	37	47	54
Áirgiúlacht Imeallach ina hAonaid / Util	10	A	B	C	D

- (i) Mínigh Dlí na hÁirgiúlachta Imeallaí Laghdaithí.
- (ii) Bain úsáid as an tábla thuas agus ríomh an áirgiúlacht imeallach ag **A**, **B**, **C** agus **D** (taispeáin do chuid oibre go léir i do fhreagarleabhar).
- (iii) Luaigh an pointe ina dtosaíonn an áirgiúlacht imeallach laghdaitheach **agus** mínigh do fhreagra.
- (iv) Luaigh agus mínigh **dhá** bhonn tuisceana a ghabhann leis an dlí seo.

[25]

- (b) Toirmisceann an tAcht um Shláinte Phoiblí (Alcól), 2018 fógart an alcóil i bpáirceanna poiblí, ar thraenacha agus ar bhusanna nó taobh istigh de 200 méadar ó scoil nó ó chlós súgartha.

(Foinse: Oireachtas.ie, Samhain 2019)

- (i) Mínigh, le cuidiú léaráid a bhfuil lipéid shoiléire uirthi, an tionchar is dócha a bheidh ag na bearta thuas ar chothromaíocht an mhargaidh d'alcól in Éirinn.
- (ii) Déan plé ar **thrí bheart eile** a d'fhéadfaí a thabhairt isteach chun cuidiú le tomhaltas an alcóil in Éirinn a laghdú.

[25]

- (c) Tá rabhadh tugtha ag larnród Éireann go bhféadfadh an plódú ar thraenacha éirí níos measa mar gheall air nach mbeidh breis carráistí traenacha ar fáil go dtí amach sa bhliain 2021, ar a luaithe.

(Foinse: RTE.ie, Deireadh Fómhair 2019)

- (i) Luaigh agus mínigh cúis **amháin** a bhfuil méadú tagtha le déanaí ar an éileamh ar sheirbhísí traenacha in Éirinn.
- (ii) Déan plé ar an gcás i bhfabhar **agus** in éadan infheistíocht mhéadaithe ag an Rialtais i gcóras iarnróid na hÉireann.

[25]

[75 marc]

2. Tá sé tuairiscithe ag Bord Bia go bhfuil méadú tagtha ar líon na micreaghrúdlann in Éirinn go 75 in 2018 (méadú faoi chúig ó 2012 i leith). Táirgeann gach grúdlann díobh raon táirgí, mar atá lágair, leannta dubha agus beoracha. Mar sin, tá iomaíocht neamhfhoirfe sa mhargadh seo.
- (Foinse: Beoir Cheirde agus Micreaghrúdlanna Neamhspleácha in Éirinn, 2018.)
- (a) (i) Mínigh fáth **amháin** a bhfuil iomaíocht neamhfhoirfe ann sa tionscal thuas.
(ii) Luaigh agus mínigh **trí shaintréith eile** de chuid an struchtúir mhargaidh seo (seachas an freagra a thug tú ar (i) thuas). [20]
- (b) (i) Mínigh, le cuidiú léaráide a bhfuil lipéid shoiléire uirthi, staid chothromaíochta gnólachta atá in iomaíocht neamhfhoirfe ghearrthéarmach.
(ii) Mínigh, le cuidiú léaráide a bhfuil lipéid shoiléire uirthi, an tionchar a bheadh ag gnólachtaí nua ar chothromaíocht an ghnólachta in (b)(i) thuas dá dtiocfaidís isteach sa mhargadh. [30]
- (c) Tá claonadh ag gnólachtaí i dtionscail áirithe iomaíocht neamhphraghais a chleachtadh.
(i) Mínigh an téarma a bhfuil líne faoi.
(ii) Tabhair breac-chuntas ar **dhá** shampla de bhearta éifeachtacha den iomaíocht neamhphraghais a mbaineann gnólachtaí leas astu. Cén fáth a gceapann tú go bhfuil na bearta seo éifeachtach ó thaobh na ngnólachtaí de?
(iii) An ndéanann an iomaíocht neamhphraghais leas na dtomhaltóirí? Tabhair breac-chuntas ar **dhá** chúis le do fhreagra. [25]
- [75 marc]
3. (a) Dúirt an t-eacnamaí Éireannach Ailín Mac Uaid go bhfuilimid chomh gar don lánfhostaíocht agus is féidir linn a bheith: ‘Táimid beagnach ar ais ar leibhéal fostaíochta an Tíogair Cheiltigh’.
- (Foinse: *Irish Independent*, Meitheamh 2019)
- (i) Sainmhínigh an téarma a bhfuil líne faoi.
(ii) Déan plé ar na sochair **agus** ar na dúshláin eacnamaíochta a ghabhann leis an lánfhostaíocht i ngeilleagar na hÉireann. [26]
- (b) Áit tharraingteach do mhórán corparáidí ilnáisiúnta (CIN) is ea Éire.
Déan plé ar **cheithre** riosca eacnamaíochta do gheilleagar na hÉireann dá gcinnfeadh roinnt de na corparáidí ilnáisiúnta atá in Éirinn faoi láthair, athlonnú taobh amuigh den tír. [24]
- (c) D’ainneoin oideachas níos fearr ar an iomlán a bheith orthu, tuilleann mná in Éirinn atá idir 25-64 bliain d’aois agus a bhfuil céim tríú leibhéal acu, 28% níos lú ná na fir san aicme chéanna leo, de réir an ECFE (*OECD*).
- (Foinse: *Irish Independent*, Meán Fómhair 2019)
- (i) Tabhair breac-chuntas ar **dhá** chúis a bhfuil éagothroime pá ar bhonn inscne ann i ngeilleagar na hÉireann fós.
(ii) Déan plé ar **dhá** bheart a d’fhéadfadh rialtas na hÉireann a dhéanamh chun cuidiú le héagothroime pá ar bhonn inscne a laghdú in Éirinn. [25]
- [75 marc]

4. Is féidir a rá go bhfuil an costas a bhaineann le gnó a dhéanamh in Éirinn 'ard agus ag méadú go mall'. Ó thaobh iomaíochas costais de, cuirtear fáilte roimh an bhfás mall ar chostais.
(Foinse: in oiriúint ó *An Costas a bhaineann le Gnó a Dhéanamh in Éirinn*, Aibreán 2019)

- (a) (i) Is féidir go bhfanfaidh gnólachtaí i dtionscal sa ghearrthéarma fiú má tá siad ag déanamh caillteanais. Mínigh an ráiteas seo.
(ii) Luaigh agus mínigh **trí** chúis a bhfuil sé tábhachtach do ghnólacht srian a choinneáil ar a chuid costas.

[20]

- (b) Taispeánann an tábla thíos sonraí na gcostas ag gnólacht.

Aschur (C)	0	1	2	3	4	5
An Costas Iomlán (CI)	10	20	27	36	52	80

Bain úsáid as na sonraí sa tábla thuas chun iad seo a dhéanamh:

- (i) Ríomh costas imeallach agus meánchostas iomlán gach aonaid aschuir. Taispeáin do chuid oibre go léir i do fhreagarleabhar.
(ii) Tarraing graf **amháin** a thaispeánfaidh an **costas imeallach** agus an **meánchostas iomlán**, agus mínigh an coibhneas atá idir an dá chuar.
(Is ceadmhach grafpháipéar a úsáid más mian leat.)

[25]

- (c) Tá Fiat Chrysler agus Peugeot i mbun cainteanna faoi chumasc a dhéanamh (chun aon chomhlacht amháin a dhéanamh) agus ag an am céanna tá feidhmeannach iomaíochta an AE tar éis an cumasc atá molta idir Siemens agus Alstom (déantóirí traenacha) a bhlocáil.

(Foinse: *Financial Times*, Deireadh Fómhair 2019)

- (i) Sainmhínigh barainneachtaí scála **inmheánacha**.
(ii) Tabhair breac-chuntas ar **thrí** bhairinneacht scála **inmheánacha** a bhféadfadh Fiat Chrysler/Peugeot tairbhe a bhaint astu i ndiaidh an chumaisc.
(iii) Tabhair breac-chuntas ar **dhá** chúis a ngníomhódh feidhmeannach iomaíochta an AE chun an cumasc atá molta a bhlocáil.

[30]

[75 marc]

5. (a) I suirbhé Meiriceánach, rinneadh Éire a rangú mar an t-ochtú sochaí is mó fiontraíocht ar domhan.

(Foinse: *The Irish Times*, Deireadh Fómhair 2019)

- (i) Sainmhínigh an toisc táirgeachta 'fiontraíocht'.
- (ii) Déan plé ar **cheithre** chúis eacnamaíochta a bhfuil an fhiontraíocht tábhachtach do gheilleagar na hÉireann.

[25]

- (b) Taispeánann an tábla thíos sonraí gnólachta i dtaca le leibhéil fostaíochta, aschuir, costas agus ioncaim a d'fhéadfadh a bheith ann.

Aonaid saothair fostaíthe	Aschur iomlán in aghaidh na seachtaine (aonaid)	Táirgeacht Imeachach (aonaid)	Praghas an aschuir	Táirgeacht Imeachach ioncaim an tsaothair	Costas Imeachach an tsaothair
1	10	10	€20	€200	€140
2	25		€20		€140
3	45		€20		€140
4	60		€20		€140
5	70		€20		€140
6	77		€20		€140
7	82		€20		€140

Bain úsáid as na sonraí seo agus:

- (i) Ríomh an táirgeacht imeallach agus táirgeacht imeallach ioncaim an tsaothair i gcás an ghnólachta seo. Taispeáin do chuid oibre go léir i do fhreagarleabhar.
- (ii) Luaigh an pointe ina dtagann dlí an toraidh imeallaigh laghdaithe i bhfeidhm i gcás an tsaothair sa sampla thuas. Mínigh do fhreagra.
- (iii) Cé mhéad oibrí ba chóir a fhostú sa ghnólacht thuas? Mínigh an chúis le do fhreagra.

[30]

- (c) Cuireann gnólacht in Éirinn, a dhíolann a tháirge ar mhargadh an AE agus ar mhargadh Stáit Aontaithe Mheiriceá (SAM), an t-eolas seo a leanas ar fáil:

	AE	SAM
Praghasleasteachas an éilimh	-0.8	-2.4
Ioncamleasteachas an éilimh	+0.72	+2.8

- (i) Mínigh cé acu atá an táirge seo ina earra **normálta** nó earra **lagmheasa**, dar leat.
- (ii) Luaigh cúis **amháin** leis an difríocht i **bpraghasleasteachas** an éilimh ar an earra seo i ngach ceann de na margaí.
- (iii) Más mian leis an ngnólacht seo an t-ioncam iomlán ó dhíolacháin a uasmhéadú, comhairligh don ghnólacht cén margadh inar chóir an praghas is airde a ghearradh. Mínigh do fhreagra.

[20]

[75 marc]

6. (a) I mí Dheireadh Fómhair 2019 thug an Eagraíocht Dhomhanda Trádála cead do Stáit Aontaithe Mheiriceá taraifí a chur ar earraí ón Eoraip mar fhrithbheart in aghaidh an fhóirdheontais a thug an AE d'Airbus, an déantóir eitleán.
(Foinse: www.independent.co.uk, Deireadh Fómhair 2019)
- (i) Mínigh na téarmaí **taraifí** agus **fóirdheontais**.
 - (ii) Mínigh cén fáth a dtabharfadh an AE fóirdheontais do chuideachta mar Airbus.
 - (iii) Déan plé ar na hargóintí i **gcoinne** caomhnaitheacht trádála. [30]
- (b) Mar bhall den AE, tá saorchead isteach ag gnólachtaí na hÉireann sa mhargadh aonair is mó ar domhan, margadh ina bhfuil daonra 512 milliún.
- (i) Déan idirdhealú idir **limistéar saorthrádála** agus **cómhargadh** (mar an tAontas Eorpach).
 - (ii) Déan plé ar **thrí** shochar eacnamaíochta d'Éirinn a ghabhann lenár mballraíocht den AE a choinneáil. [25]
- (c) Ceaptar go bhfásfaidh luach na n-easpórtálacha mairteola as Éirinn go dtí an tSín ó €9m anuraidh go dtí €120m faoi dheireadh 2020.
(Foinse: Nuacht RTÉ, Samhain 2019)
- (i) Tabhair breac-chuntas ar na buntáistí eacnamaíochta do gheilleagar na hÉireann a bhaineann le margaí nua easpórtála a fhás.
 - (ii) Déan plé ar **dhá** dheacracht a d'fheadfadh a bheith ag cuideachtaí easpórtála na hÉireann agus iad ag iarraidh dul isteach i margadh na Síne. [20]
- [75 marc]**
7. (a) I gCáinainnéis 2020, d'ardaigh an rialtas ráta na cánach carbóin de €6 go €26 an tonna.
(Foinse: Cáinainnéis 2020)
- (i) Cén fáth a gceapann roinnt daoine gur cáin chúlchéimnitheach í an cháin charbóin?
 - (ii) Tabhair breac-chuntas ar na hiarmhairtí eacnamaíochta dearfacha **agus** ar na hiarmhairtí eacnamaíochta diúltacha a d'fhéadfadh a bheith ag an mbeart thuasluaite ar gheilleagar na hÉireann. [25]
- (b) I gCáinainnéis 2020, cheadaigh an rialtas débhealach an N5 a thógáil i gContae Mhaigh Eo agus mhéadaigh siad maoiniú an Gharda Síochána chun cuidiú le soláthar earcach nua.
(Foinse: Cáinainnéis 2020: Tuarascáil ar Chaiteachas)
- (i) Sainaithin sampla **amháin** de chaiteachas reatha rialtais agus sampla **amháin** de chaiteachas caipitil rialtais sna bearta thuas. Mínigh an rogha a rinne tú i **ngach** cás.
 - (ii) Déan plé ar na sochair shóisialta **agus** ar na sochair eacnamaíochta a ghabhann le breis caiteachais ar an nGarda Síochána.
 - (iii) Tabhair breac-chuntas ar argóint **amháin** i bhfabhar dolaí a ghearradh ar chodanna nua de mhótarbhealaí **agus** breac-chuntas ar argóint **amháin** ina éadan. [30]
- (c) Deir Iontaobhas McVerry go bhfuil cáin ar thithe folmha de dhíth chun dul i ngleic le géarchéim na heaspa dídine. (**Tabhair do d'aire:** baineann an cháin ar thithe folmha le tithe cónaithe nach mbíonn aon duine ag cur faoi iontu ar feadh tréimhsí fada).
(Foinse: *The Irish Times*, Meán Fómhair 2019)
- (i) An smaoineamh maith é an cháin seo a ghearradh ar thithe folmha, dar leat? Mínigh do fhreagra.
 - (ii) Mol **trí** bheart mhalartacha a d'fheadfadh an rialtas a dhéanamh le cuidiú chun an easpa dídine in Éirinn a laghdú. [20]
- [75 marc]**

8. (a) Mínigh na téarmaí eacnamaíochta seo a leanas agus tabhair sampla cuí i ngach cás:
- Íocaíochtaí Aistritheacha;
 - Sochair Chomhchineáil;
 - Glan-Ioncam Tosca ón gCuid eile den Domhan.

[21]

- (b) Taispeánann an tábla seo a leanas loncam Náisiúnta (Y), Tomhaltas (C), Infheistíocht (I), Caiteachas Rialtais (G), Easpórtálacha (X) agus Iompórtálacha (M) in 2018 agus in 2019.

	Y	C	I	G	X	M
2018	€200,000	€70,000	€50,000	?	€80,000	€60,000
2019	?	€105,000	€55,000	€65,000	€90,000	€65,000

Bain úsáid as na sonraí thuas chun iad seo a leanas a fhreagairt.
(Taispeáin do chuid oibre go léir i do fhreagarleabhar.)

- Ríomh leibhéal chaiteachas an rialtais in 2018.
- Ríomh leibhéal an Ioncaim Náisiúnta in 2019.
- Sainmhínigh an claonadh imeallach chun iompórtála (MPM).
- Ríomh an claonadh imeallach chun iompórtála (MPM).
- Ríomh luach an iolraitheora **agus** mínigh brí eacnamaíochta an fhiigiúir a ríomhann tú.

[30]

- (c) Bhí Fiachas Náisiúnta na hÉireann cothrom le €206 billiún ag deireadh 2018.
(Foinse: *Irish Examiner*, Lúnasa 2019)

- Mínigh an téarma a bhfuil líne faoi.
- Ainmnigh an ghníomhaireacht atá freagrach as fiachas náisiúnta na hÉireann a bhainistiú. Luaigh agus mínigh feidhm **amháin** eile atá ag an ngníomhaireacht seo.
- Tabhair breac-chuntas ar **thrí** riosca do gheilleagar na hÉireann a ghabhann leis an bhfiachas náisiúnta a bheith ar an leibhéal thuasluaite.

[24]

[75 marc]

Ná dearmad an scrúdpháipéar seo a thabhairt ar ais leis an/na (bh)freagarleabha(i)r a úsáidtear chun na ceisteanna i Roinn B a fhreagairt.